

ԷԶՄԻԱՇՆԻ ՄԱՅՐ ՏԱՃԱՐԻ ՀԻՄՆԱԿԱՆ ՎԵՐԱՆՈՐՈՎՈՒՄԸ
(1954—1955)

ՎՍՐԱԶԴԱՏ ՀԱՐՈՒԹՅՈՒՆՅԱՆ

Հայաստանում սովետական կարգեր հաստատվելուց հետո պատմաճարտարապետական հուշարձանների նկատմամբ հոգատարությունն իր ոլորտին ընդգրկեց նաև հայոց հնագույն եկեղեցիներ՝ ս. էջմիածնի Մայր տաճարը, Այն անմիջական իրականացում ստացավ, երբ 1923 թ. դեկտեմբերին փուլ եկան հարավային զանգակատունն ու դոա հիմքը կազմող աբսիդի վերնամասը, Ա. կաղեմիկոս Ա. Թամանյանի հանձնարարությամբ և Թ. Թորամանյանի անմիջական ղեկավարությամբ վերականգնված աբսիդը եղավ Սովետական Հայաստանի հուշարձանների վերականգնման աշխատանքների առաջին քայլը¹, Սակայն հիմնվուրց տաճարն ամբողջությամբ (որի նորոգման ուղղությամբ նախասովետական տարիներին գործադրած ջանքերն անարդյունք եղան)² շարունակում էր մնալ խիստ մտահոգություն պատճառող վիճակում:

Գևորգ Զ կաթողիկոսի գահակալության տարիներին (1945—1954) լուսավորչաշեն հնամյա տաճարի հիմնական վերանորոգման հարցը նորից առաջ քաշվեց, Այդ ուղղությամբ գործադրած ջանքերն ունեն իրենց նախապատմությունը: Գևորգ Զ կաթողիկոսի հրավերով էջմիածին ժամանած հանձնաժողովը, որի կազմում էին բանաստեղծ Ավ. Իսահակյանը, նկարիչներ Մ. Սարյանը և Հ. Կոչոյանը, ճարտարապետներ Ս. Սաֆարյանը, Մ. Գրիգորյանը և Վ. Հարությունյանն ու ինժեներ-կոնստրուկտոր Հ. Սարգսյանը, տեղում հանգամանորեն ծանոթացավ Մայր տաճարի տեխնիկական վիճակին ու միջոցներ ծրագրեց այն արմատապես բարելավելու ուղղությամբ³:

Հանձնաժողովի առաջարկով ստեղծված ենթահանձնաժողովը (որի կազմում էին Հայաստանի հուշարձանների պահպանության կոմիտեի նախագահ Վ. Հարությունյանը, ճարտարապետներ Ռ. Խարայեյանը և Խ. Ռոստոմբեկյանը, ինժեներ-շինարարներ Ա. Մելիք-Մարտիրոսյանը և Հ. Սարգսյանը), մասնագիտորեն քննելով հարցը, ներկայացրեց լրացուցիչ ու ճշտված առաջարկություններ⁴: Նույն առաջարկությունների վերջում հրապարակվեց նաև ինժեներ Ա. Ահարոնյանի կազմած Մայր տաճարի վերանորոգման նախահաշիվը (խոշորացված ցուցանիշներով) շուրջ 4 մլն ռ. ընդհանուր արժողությամբ⁵:

Վերը նշված փաստաթղթերի հրապարակմամբ Գևորգ Զ կաթողիկոսը նպատակ էր հետապնդում համընդհանուր ուշադրություն բեռել լուսավորչաշեն Մայր տաճարի վերանորոգման խնդրին: Դրան նա անդրադառնում էր բոլոր հարմար առիթներով, ջանում գտնել բարերարներ կամ կատարել հանդուժանակություն, որպեսզի նյութական միջոցներ հայթայթվեն վերաշինական մեծ

¹ Այդ մասին տե՛ս Թ. Թորամանյան, Տեղեկագիր էջմիածնի տաճարի հարավային աբսիդի վրա հնագույն կառուցված զանգակատան հանկարծ փլվելու պատճառով վնասված աբսիդի և ուրիշ փոքր մասերի վերականգնման (էջմիածին, 1947, մայիս-հունիս, էջ 16—19), Վ. Հարությունյան, Սուրբ էջմիածնի Մայր տաճարի զանգակատան վերականգնումը (նույն տեղում, 1978, Գ, էջ 53—56):

² Վ. Հարությունյան, Ս. էջմիածնի Մայր Աթոռի շինարարական գործունեությունը 19-րդ դարում և 20-րդ դարի սկզբին (նույն տեղում, 1976, Ծ, 2, է):

³ Նույն տեղում, 1946, հունիս-հուլիս, էջ 33—34:

⁴ Նույն տեղում, էջ 35:

⁵ Նույն տեղում, էջ 36:

աշխատանքների համար: 1945 թ. գումարված ազգային-եկեղեցական մեծ ժողովում նա կոչ արեց, որպեսզի մեծահարուստ հայ ազգայիններից մեկը կամ մի քանիսը հանձն առնեն տաճարի վերանորոգության գործը ու նրա թելադրանքով ժողովի բանաձևում տրվեց «1642 տարվա պատմական այդ կոթողի կյանքի հարատևության և նրան վայելուչ վիճակում պահելու գործը հայ ժողովրդի պատվի գործն է» ձևակերպումը⁶: Նույն նպատակին էին ծառայում Մայր տաճարի վերանորոգման հարցին առնչվող մի քանի հոդվածների տպարկումը «Էջմիածին» ամսագրում: Դրանց թվին են պատկանում Բ. Թորամանյանի «Տեղեկագիր Էջմիածնի տաճարի հարավային աբսիդի վրա հնագույն կառուցված զանգակատան հանկարծ փլչելու պատճառով վնասված աբսիդի և ուրիշ փոքր մասերի վերականգնման»⁷, «Էջմիածին»⁸, Տարագրոսի «Մի քանի խոսք Էջմիածնի Մայր տաճարի վերանորոգման մասին»⁹, Վ. Սուրենյանցի «Սուրբ Էջմիածնի վեղաշինության խնդիրը»¹⁰ հոդվածները և այլ նյութեր:

Մերունազարդ հայրապետի մտահոգությունը հիմնավոր էր: Նրան չվիճակվեց իրականացված տեսնել տարիներով փայտյա ծածկի իղձը, սակայն Սովետական Հայաստանի կառավարությունը, ընդառաջելով կաթողիկոսի խնդրանքին, 1954 թ. որոշում ընդունեց ձեռնարկել ս. Էջմիածնի Մայր տաճարի վերանորոգության գործը՝ հանձն առնելով հոգալ դրա հետ կապված բոլոր ծախսերը և ապահովել պահանջվող շինանյութերի հայթայթումը:

Այդ ուղղությամբ միջոցառումներն արագ ընթացք ստացան Գևորգ Զ կաթողիկոսի մահվանից (1954 թ. մայիսի 8) հետո, քանի որ հաջորդ տարի պիտի դուռնարվեր ազգային-եկեղեցական մեծ ժողովը՝ նոր կաթողիկոս ընտրելու համար:

Նախապատրաստական աշխատանքներ: Գործի կազմակերպման ընդհանուր պատասխանատվությունը դրվեց Հայկական ՍՍՀ Մինիստրների խորհրդին առընթեք ճարտարապետության գործերի վարչության (պետ՝ Ռ. Ազիզբեկյան) և Հայ եկեղեցու գործերի խորհրդի (նախագահ՝ Հ. Գրիգորյան) վրա: Վերանորոգման և բարեկարգման աշխատանքների ընդհանուր ծրագիրը նախապես քննարկվեց: Դրան էր նվիրված ճարտարապետության գործերի վարչության 1954 թ. ապրիլի 19-ին կայացած ընդլայնված նիստը, որն ընդունեց հետևյալ որոշումը¹¹. «Վաճառարածության բարեկարգման վերաբերյալ

1. Քանդել-վերացնել գոյություն ունեցող հին պատերը (Տրդատյան դարպասից հյուսիս, արևելակողմինը և այն, որ անցնում է Աթարեկյան փողոցի և սինոդի նախկին շենքի միջև) ու փոխարինել նոր պատերով:

2. Քանդել Տրդատյան դարպասից հյուսիս ընկած հողաշեն և խարխված շենքերը և այդ դարպասից առաջ վերացված շենքերի տեղում կառուցել հինապատ:

3. Բակի հարավ-արևելյան մասի դեպի տաճարն ուղղված շենքի խուլ պատերը երեսապատել՝ դարձնելով համապատասխան նախկին սեղանատան նակատին:

6 «Երջանկահյատակ Ս. Ս. Գևորգ Զ Սրբազնագույն կաթողիկոսի իղձերն ու ցանկությունները ս. Էջմիածնի Մայր տաճարի վերանորոգության վերաբերյալ» (նույն տեղում, 1955, մարտ, էջ 6—7):

7 Նույն տեղում, 1947, մայիս-հունիս, էջ 16—19:

8 Նույն տեղում, 1948, հունիս-հուլիս, էջ 49—50:

9 Նույն տեղում, 1946, հունիս-հուլիս, էջ 37—40:

10 Նույն տեղում, 1947, հունվար-փետրվար, էջ 35—39:

11 Նիստին, բացի խորհրդի անդամներ Ռ. Ազիզբեկյանից, Վ. Հարությունյանից, Հ. Բաբայանյանից, Լ. Բաբայանից (գիտ. քարտուղար), Ռ. Գրիգորյանից, Ռ. Իսրայելյանից, Հ. Մարգարյանից, Ս. Սաֆարյանից և Մ. Սարյանից, մասնակցում էին Կ. Հովհաննիսյանը, գրողներ Ավ. Իսահակյանը, Դ. Դեմիրճյանը և Ստ. Զորյանը, Հայ եկեղեցու խորհրդի նախագահ Հ. Գրիգորյանը, հնագետ Կ. Ղաֆադարյանը, նկարիչ Գ. Գյուրջյանը, ճարտ. Լ. Սարգսյանը և ուրիշներ (Էջմիածնի Մայր Աթոռի շինգրասնյակի արխիվ, գ. 16, թ. 46—50):

4. Կատարել էջմիածնի տաճարի ողջ շրջակա տարածության բարեկարգում, իրականացնել աշխատանքներ՝ մայիսի վերանորոգման, էլեկտրական լուսավորության և կանաչապատման տեղադրությամբ:

Մայր տաճարի վերանորոգման ուղղությամբ

1. Ամրացնել տաճարի մուկթերը և թաղերը,
2. Վերանորոգել տաճարի կտուրի քարածածկը,
3. Սալարկել հատակը տուֆասալերով,
4. Վերականգնել տաճարի որմնանկարները,
5. Նախագծել տաճարի էլեկտրական լուսավորման համակարգ,
6. Նախատեսնել էջմիածնի վանքի բոլոր շենքերի ջեռուցում և ջրահեռացում (կոյուղավորում):

Հին վեճաբանի վերաբերյալ

1. Ամրացնել առաջին հարկի պատերը,
2. Հողածածկ հարթ կտուրը փոխարինել երկլանջ թիթեղապատ կտուրով,
3. Երեսպատել ճակատները տուֆասալերով:

Մինչ տաճարի ամրացման և վերանորոգման նախագծի մշակումը կարիք զգացվեց մեկ անգամ ևս մի մասնագիտական հանձնաժողովի միջոցով ավելի հանգամանորեն ստուգել Մայր տաճարի տեխնիկական վիճակը: Այդ կապակցությամբ 1955 թ. մարտի 12-ին էջմիածին գործուղվեց 5 հոգուց բաղկացած մասնագիտական մի հանձնաժողով (նախագահ՝ Կ. Հովհաննիսյան, անդամներ՝ ճարտարապետ Վ. Հարությունյան, ինժեներներ Ա. Մելիք-Մարտիրոսյան, Կ. Ալիքունյան և Վ. Ստեփանյան), որի եզրակացությունը ստորև բերում ենք ամբողջությամբ. «1. Որոշ տեղեղում սվաղը հեռացնելու միջոցով կոնստրուկցիաների (մուկթերի, կամարների) նախնական հետազոտությունը ցույց է տալիս, որ նյութն ունի կան վտանգավոր ճեղքեր, որոնք սպառնում են տաճարի կայունությանը: Առանձնապես վտանգավոր վիճակում են գտնվում զմբեթակիր մուկթերը:

2. Չնայած նրան, որ նշված վիճակի հիմնական պատճառը հանդիսացել են տանիքից ծծվող ջրերը, այդուամենայնիվ, մինչև հիմա նրա վերանորոգման ուղղությամբ ոչ մի միջոցառում չի ձեռնարկված, այն ժամանակ, երբ տաճարի ներսում սկսված են որմնանկարների ռեստավրացիայի աշխատանքները:

3. Կան նաև որոշ դեֆորմացիաներ՝ տաճարի հյուսիսային, արևմտյան և հարավային պատերում:

Ելնելով վերոհիշյալից, հանձնաժողովը գտնում է, որ անհրաժեշտ են ներքոհիշյալ նախնական միջոցառումները.

1. Կոնստրուկցիաների տեխնիկական վիճակը վերջնականապես պարզելու համար պետք է՝

ա) մաքրել սվաղը մուկթերից և կամարների ու թաղերի այն մասերից, որոնք չեն ծածկված որմնանկարներով: Սվաղի հեռացման աշխատանքը կատարել համապատասխան մասնագետների հսկողությամբ, որպեսզի սվաղի տակ պահպանված ավելի հին որմնանկարների մնացորդները չոչնչանան:

բ) տաճարի հյուսիսային, հարավային և արևմտյան պատերի տակ, հանձնաժողովի նշած տեղում, փորել տալ շուրֆեր՝ հիմքերի վիճակը հետազոտելու համար:

գ) Փորել տալ մեկ շուրֆ՝ նաև հարավ-արևմտյան մուկթի տակ:

դ) Երկրաբան մասնագետի միջոցով կատարել հիմնատակի ինժեներա-երկրաբանական հետազոտություն:

Նշված աշխատանքները կատարել հինգ օրվա ընթացքում, որից հետո հանձնաժողովը հնարավորություն կունենա ներկայացնելու իր վերջնական եզրակացությունը՝ Մայր տաճարի վերանորոգման հիմնական ուղղության վերաբերյալ:

Հանձնաժողովը գտնում է, որ ժամանակավորապես պետք է դադարեցվեն

Մայր տաճարի որմնանկարների վերականգնման աշխատանքները, ինչպես և եկեղեցական արարողությունները¹²,

Ավելի մեծ կազմով մի այլ հանձնաժողովի կողմից 1955 թ. մարտի 18-ին տեղում կատարված լրացուցիչ ուսումնասիրություններից հետո արված եզրակացությունները լայն քննության ենթարկվեցին նույն օրը՝ Երևանում։ Խորհրդակցությունը վարող Կ. Հովհաննիսյանն այսպես է ամփոփել քննարկման արդյունքները¹³. «1. Էջմիածնի Մայր տաճարի գմբեթակիր շորս մուլթերը ամրացնել, պատելով նրանց երկաթ-բետոնե շապիկով (КОЖУХ-ով)։ Սվադը պոկել հերթականությամբ, հեղուկ շաղախով կատարել մուլթերի ներարկում։

2. Կամարների հարցը (ամրացնել նրանց լրացուցիչ կամարով, թե ոչ)՝ թույնել կոնստրուկտորների հայեցողությանը և նրանց կարծիքը լսել խորհրդի նիստում։

3. Հիմքերը թաղնել նույնությամբ, առանց դրանք ամրացնելու։

4. Վերանորոգման աշխատանքների գույքընթաց անմիջապես սկսել կտուրի ծածկի վերանորոգումը։

5. Մուլթերի և կամարների անհրաժեշտ տեղերում կատարել շաղախի նւրարկում։

6. Թուլյատրել նկարիչներին՝ շարունակելու իրենց աշխատանքները շորս տեղերում»¹⁴։

Կատարվելիք աշխատանքների ընդհանուր ծրագիր ընդունելուց հետո նախագծերի մշակումը հանձնարարվեց նախագծային կազմակերպությունների, որոնցում ստեղծվեցին մասնագիտական երկու խումբ՝ մեկը վանքի հյուսիսային և արևելյան պարսպապատների, մյուսը՝ Մայր տաճարի կոնստրուկտիվ տարրերի (մուլթերի, կամարների) ամրացման և ընդհանուր վերանորոգման նախագծերի մշակման համար։ Առաջինի կազմի մեջ էին պրոֆ. Ս. Սաֆարյանը (ղեկավար), ճարտարապետներ Ռ. Իսրայելյանը, Ս. Գուրզադյանը, Լ. Սադոյանը, իսկ երկրորդի՝ ճարտարապետ Ռ. Իսրայելյանը, ինժեներներ Կ. Ալթունյանը և Բ. Դանոյանը։ Տաճարի ներսի պատերի որմնանկարների մաքրման, ամրացման և լրացման աշխատանքների ընդհանուր ղեկավարությունը հանձնարարվեց հայ մանրանկարչության և որմնանկարչության ճանաչված մասնագետ Լ. Դուրնուփոյին։

Ընդհանուր ծրագիրն ընդունելուց մի քանի ամիս անց, 1955 թ. հունիսի 7-ին ճարտարապետական գործերի վարչության խորհրդի ընդլայնված նիստում քննության առնվեց ու մասնակի դիտողություններով հաստատվեց վանքատարածության հյուսիսային պարսպապատի՝ պրոֆ. Ս. Սաֆարյանի գլխավորած հեղինակային խմբի մշակած նախագիծը։ Հին վեհարանի և Մայր տաճարի վերանորոգման հարցերում որոշ չափով վերանայվեցին նախորդ նիստում ընդունված առանձին կետերը¹⁵։

Հյուսիսային պարսպապատը պիտի ծառայեր վանքատարածությունը քաղաքային այգուց անջատելուն։ Նախագծային խումբը միանգամայն իրավացիորեն պատի երկու երեսներին տարբեր մշակում էր տվել։ Ըթե հարավային ճակատը մշակված էր իրար հաջորդող խորշերի շարքով, որոնցում պիտի խաչքարեր տեղադրվեին, ապա հյուսիսային կողմից պարսպապատն օժտված էր քարակերտ տաղավարներով՝ առևտրական նպատակներով օգտագործելու համար։ Թեև նախատեսվում էր դեպի վանքի բակը հիմնական մուտք տալ արևելյան կողմից, սակայն, համենայնդեպս, մի դարպաս էլ թողնվեց հյուսիսային պարսպապատում (որը հետագայում պսակվեց ժամացույցի աշտարակով)։


Պարսպապատի կառուցմամբ սկսված աշխատանքները հաջորդ տարվանից

12 Նույն տեղում, թ. 37—38։

13 Քննարկմանը մասնակցել են տարբեր մասնագիտությունների պատկանող 13 հոգի, ինչպես և Հայ եկեղեցական խորհրդի նախագահ Հ. Գրիգորյանը (նույն տեղում, թ. 31—36)։

14 Մինչ այդ, որմնանկարների վերականգնման աշխատանքներն սկսված էին։

15 Էջմիածնի Մայր Աթոռի շինգրասենյակի արխիվ, գ. 16, թ. 41—45։



Նկ. 1. Մայրավանքի նորակառույց Հյուսիսային պարսպապատը:

ծավալվեցին նաև Մայր տաճարում՝ ընթանալով երեք հիմնական ուղղություներով: 1955 թ. հունվարից նախ սկսվեց որմնադարձումը և մի քանի ամիս հետո միայն, դրան զուգահեռ ու միաժամանակ, ներսում և կտուրի վրա ձեռնարկվեցին շինարարական աշխատանքները: Ստորև, նույն հաջորդականությամբ էլ կատարում ենք դրանց ընդհանուր բնութագրումը:

Ումնանկառնների վերականգնում և լրացում: Մայր տաճարի որմնանկարների վիճակը, ըստ աշխատանքների ընդհանուր ղեկավար Լ. Դուրնովոյի բացատրագրի, ներկայացնում էր հետևյալ պատկերը. «Նկարիչներ Նադաշ և Հովնաթան Հովնաթանյաններն ու իրենց աշակերտները 1780—1786 թթ. Սիմեոն Իրեւանցի և Ղուկաս Կարոնցի կաթողիկոսների պատվերով որմնադարձել են Մայր տաճարի ներսը: Գմբեթը, թմբուկը, հարակից մասերը, բոլոր թաղերը, չորս սուրբաստներն ու արսիդների գմբեթարդները և կամարները (տակից ու ճակատային երեսներին) խառն են զարդարված էին գորգային բնույթի հարուստ, բազմերանգ ու ոսկեզօծ զարդանախշերով:

Կրոնապաշտամունքային բովանդակությունից զուրկ, զուտ դեկորատիվ միտումներով կատարված և ուշ միջնադարյան իրանական որմնանկարչության ազդեցությանը բնորոշ զարդանախշերը, տաճարի վերնամասի նշված մակերևույթներն ու հարթությունները ծածկելով հանդերձ, միևնույն ժամանակ, ըստ հորինվածքի, համապատասխանում են յուրաքանչյուր տեղին, սերտ կապի մեջ են կոնստրուկտիվ ձևերի հետ:

Տաճարի որմնանկարների ընդհանուր մակերեսը մոտավոր հաշիվներով կազմել է 2500 քմ., որից պահպանվել էր կեսից պակաս՝ շուրջ 1000 քմ: Մնացածը տեական խոնավության ու ծեփի քայքայման պատճառով գտնվում էր կիսաեղծված վիճակում կամ ծածկվել էր սպիտակ ներկով, սակայն պահպանված հետքերով հնարավոր էր վերականգնել իր նախկին հորինվածքով ու գունային լուծմամբ»¹⁸:

¹⁸ Հայկական ՍՍՀ հանրապետական նախագծային ինստիտուտի (այժմ՝ Հայարդնախագիծ) արխիվ, ինվ. 5995, պատվ. 109 (54):

Համաձայն նույն բացատրագրի, վերականգնման աշխատանքներն անհրաժեշտ էր տանել երկու ուղղություներով. ա) ներկերի թափված կամ եղծված մասերում (գմբեթներում, թմբուկներում, առագաստներում և 4 կամարներում) որմնաղարդերի վերականգնում՝ շուրջ 14 քմ մակերեսով; բ) Որմնաղարդերից իսպառ ղրկված տեղերում լրացումներ կատարել նոր մանրամասներով կամ ամբողջական հորինվածքներով՝ օգտվելով համապատասխան տեղերում պահպանված մոտիվներից: Արևմտյան գմբեթարդում պահպանված որմնաղարդերը նույնությամբ պիտի կառարվեն մնացյալ գմբեթարդներում, առաստաղների աստղաղարդերը կրկնվեն բացակայող տեղերում և այլն¹⁷:

Այսպիսով, կատարված ուսումնասիրության տվյալներով պահպանված որմնաղարդերը հնարավորություն էին ընձեռում լիովին ու առանց էական աղավաղումների վերստեղծել Հովնաթանյանների խոշորապլան և մեծ վարպետությամբ իրականացված մտահղացումը: Դրա համար, ըստ բացատրագրի, պահանջվում էր շորս ամիս ժամանակ, սկսած ապրիլից, երբ հնարավոր լիներ շինույնով տաճարի ներսում աշխատանքներ ծավալել: Չնայած դրան, սեղմ ժամկետներով թելադրված՝ որմնակարների մաքրման աշխատանքները սկսվեցին 1955 թ. հունվարից: Նույն ամսի 25-ին մի ենթահանձնաժողով՝ բաղկացած Հ. Գրիգորյանից, Կ. Հովհաննիսյանից, Լ. Դուրնովոյից, նկարիչներ Հ. Կարալյանից և Գ. Խանաղյանից, տեղում ծանոթանալով կատարվածին, արձանագրեց, որ մաքրումից հետո պահպանված որմնաղարդերի մակերեսը մոտավորապես կազմում է ամբողջի 20—25% -ը և մաքրված մասերի լրացումը պիտի դիտվի որպես նոր կատարված¹⁸: Մեկ ուրիշ ենթահանձնաժողով (Ռ. Աղիզբեկյան, Հ. Գրիգորյան, Մ. Սարյան, Ռ. Դրամբյան, Ա. Կարալյան և Կ. Հովհաննիսյան) քննարկեց ու հավանություն տվեց տաճարի գլանաձև թաղերի և գլխավոր արանդի որմնաղարդերի վերականգնման՝ Լ. Դուրնովոյի կազմած էսքիզներին ու արեց որոշ առաջարկներ¹⁹: Այնուհետև տաճարի որմնակարների վերականգնման ու լրացման աշխատանքները հետզհետե ընդարձակվեցին, այդ գործում ներգրավելով նկարիչների մի մեծ խումբ, որի փոփոխվող կազմում մտնում էին Լ. Մանասերյանը, Հ. Ղարաբյուրյանը, Ք. Հովսեփյանը, Հ. Միրավյանը, Գ. Խանաղյանը, է. Կորիմազյանը, Գ. Շահբազյանը, Վ. Բաղդասարյանը, Լ. Բաղդասարյանը, Վ. Կարապետյանը, Վ. Խորենյանը, Ա. Սարգսյանը, Վ. Կաժոյանը, Ռ. Ղազարյանը, Տ. Շիրկովան, ճարտարապետ Հր. Հակոբյանը և ուրիշներ: Որմնաղարդերի վերականգնումը և լրացումը կատարվում էր բարձրորակ յուզաներկով:

Ճարտարապետական գործերի վարչության խորհրդի 1955 թ. մարտի 23-ի կայացած ընդլայնված նիստում Լ. Դուրնովոն, հաղորդում տալով որմնաղարդերի վերականգնման ընթացքի մասին, պահանջեց ճշտել և լրացնել մակերեսների քանակը (քանի տր նախնական հաշվարկները կատարվել էին ոչ թե մանրամասն չափագրությունների, այլ գծագրերի տվյալներով): Այնուհետև նա հայտնեց, որ 2500 քմ մշակման ենթակա ընդհանուր մակերեսից աշխատանքներն ավարտվել են 500 քմ մակերեսի վրա և նույնչափ մակերեսի վրա էլ աշխատանքները շարունակվում են: Որմնաղարդերի վերականգնումն ու լրացումը ժամանակին ավարտելու համար պահանջվում էր 15-ով ավելացնել նկարիչների թիվը²⁰: Գ. Տեղ-Հովհաննիսյանն այսպես է նկարագրել նկարիչ-վերականգնողների ջանադիր աշխատանքը: «Պետք է տեսնել, — գրել է նա, — թե այդ երիտասարդները ինչպիսի սիրով ու ականածանքով են աշխատում առավոտից մինչև երեկո: Ինչպիսի ուշադրությամբ, մանրակրկիտ աշխատանք և հոգատար վերաբերմունք է պետք, որպեսզի դարերի ընթացքում իրենց գույնը կորցրած մանրանկարների (որմնանկարների — Վ. Հ.) պատառ-

17 Նույն տեղում:


18 Էջմիածնի Մայր Աթոռ շինգրասենյակի արխիվ, գ. 16, թ. 40:

19 Նույն տեղում, թ. 41:

20 Նույն տեղում, թ. 22—23:

ները կամ թե ամբողջովին մերկ կամարներն ու առաստաղները կրկին կենդանանան, վառ դուշներ ստացան, ժպտան նոր փայլով:

Յվ նկարիչների վարժ մրձինների հպումով իրոք կենդանանում, կյանք է առնում հալ մանրանկարչության լավագույն վարպետների՝ Հովնաթանյանների անդնահատելի աշխատանքը²¹:



Նկ. 2. Մայր տաճարի գմբեթը որմնանկարների վերականգնումից հետո:

Գործի կազմակերպիչների կողմից որմնանկարների վերականգնման աշխատանքների նկատմամբ ցուցաբերած բացառիկ ուշադրության մասին է վրկադում հեղինակալոր մասնագիտական հանձնաժողովների մշտական հսկողության իրականացումը, ուր ժամանակ արվում էին արժեքավոր դիտողություններ ու տրվում խորհուրդներ և ալլն: Մինևույն ժամանակ լրացուցիչ վերականգնման աշխատանքներ կատարվեցին զանգակատան առաջին հարկի ա-

21 Գ. Տ եր-Հ ո վ հ ա ն ն ի ս յ ա ն, Մայր տաճարի վերականգնման աշխատանքների ընթացքը («Էջմիածին», 1955, մայիս, էջ 27—28):

ռաստաղի, հին վեհարանի ծաղկազարդ դահլիճի որմնանկարների մաքրման ու թարմացման, ինչպես և տաճարի ներսում ու ծաղկազարդ դահլիճում որմնադարձերից աղատ հարթությունները գունազարդելու ուղղությամբ: Հավատարմորդ աշխատանքների, նույն տարվա օգոստոսի 28-ին Մ. Սարյանի նախադահլիճում մի հանձնաժողով (Ավ. Իսահակյան, Ս. Սաֆարյան, Կ. Հովհաննիսյան, Լ. Սաղոյան և Հ. Կարալյան) կատարեց վերջնական ընդունում: Այդ մասին արձանագրության մեջ նշված է՝ «Լ. Դուրնովոյի ղեկավարած նկարիչների խմբի կողմից Էջմիածնի Մայր տաճարի ներսում կատարած որմնանկարների վերանորոգումը համարել ընդունված լավ գնահատականով...»²², 1955 թ. սեպտեմբերին առանձին տեղերում կատարվեցին որոշ լրացումներ: Դրանով Մայր տաճարի որմնադարձերի մաքրման, վերականգնման ու լրացման աշխատանքները լիովին ավարտվեցին:

Կոնստրուկցիաների ամրացման, կտուրը ծածկելու և վերաշինական այլ միջոցառումներ: Սահմանված խիստ կարճ ժամկետները թելադրեցին տաճարը կրող կոնստրուկցիաների ամրացման նախապատրաստական աշխատանքները ծավալել մինչև նախագծային-նախահաշվային փաստաթղթերի կազմումն ու վերջնական հաստատումը: Շինարարական աշխատանքների կատարումը (ինչպես վանքատարածության հյուսիսային պարսպապատի կառուցումը) հանձնարարվեց Հայկական ՍՍՀ քաղաքային և գյուղական շինարարության մի-նիստրության հատուկ շինարարության 8-րդ տրեստին (կառավարիչ՝ Ա. Զորարյան), որն իր հերթին աշխատանքների ղեկավար նշանակեց ինժեներ Ա. Մուսայելյանին:


Մինչ քննարկվում էին կրող կոնստրուկցիաների ամրացման և կտուրը ծածկելու նպատակահարմար սկզբունքները, շինարարները տաճարի ներսում կայեցին նոր փայտամածներ ու սկսեցին մուլթերից և կամարների տակից ծեփի հեռացումը: Դրա շնորհիվ լիովին բացահայտվեց տաճարի ծածկը կրող կոնստրուկտիվը՝ համակարգի վնասվածությունը և մուլթերում ու կամարներում վտանգավոր ճեղքերի առկայությունը: Միանգամայն անվիճելի էր, որ անհրաժեշտ է կիրառել դրանց հուսալի ամրացման միջոցառումներ: Կարծիքները բաժանվեցին միայն սկզբունքների հարցում: Մասնագետներից ոմանք (այդ թվում տողերիս հեղինակը) գտնում էին, որ հնարավոր է ամրացումը կատարել առանց մուլթերի հորիզոնական կտրվածքի չափերում և կամարների շառավիղներում փոփոխություններ առաջացնելու, այսինքն՝ ամրացման նպատակով մուծվող մետաղական տարրերը տեղավորելու մուլթերի և կամարների առկա գաթարիտների սահմաններում²³, Տարակարծություններ կային նաև կտուրի ծածկի վերաբերյալ: Ձևակից ու անձրևաջրից ներծծվող խոնավությունը դարերի ընթացքում հանդիսացել է այս հնամենի տաճարի խոցելի տեղը, վնասել ծածկերն ու պատերը, վերջիններիս վրայի որմնադարձերը: Այդ է պատճառը, որ վերաշինական աշխատանքների ընդհանուր ծրագրում կտուրը գրավում էր առաջնակարգ տեղերից մեկը: Առավել հուսալի էր համարվում կտուրի բոլոր լանջերի թիթեղապատումը: Թեև սկզբում այս առաջադեմ առարկություն հանդիպեց (ոմանք գտնում էին, որ խոնավացումը կարելի է կանխել եղած սալածածկը հիմնովին ու բարձրորակ վերանորոգելով), բայց հաշվի առնելով տանքերի փոքր թեքությունները (որի պատճառով խոնավություն ներծծումը նորոգումից հետո էլ հնարավոր էր), ընդունվեց թիթեղապատման առաջարկը²⁴:

Մուլթերի և կամարների ամրացման (հեղինակ՝ Կ. Ալթունյան, կոնստ-

²² Էջմիածնի Մայր Աթոռի շինգրասենյակի արխիվ, գ. 16, թ. 19:

²³ Այս հարցերին, ինչպես նաև կատարվող աշխատանքների ընթացքին վերաբերող քննարկումը տեղի է ունեցել Հայկական ՍՍՀ Մինիստրների խորհրդին առընթեր ճարտարապետության գործերի վարչության խորհրդի 1955 թ. մայիսի 23-ին կայացած նիստում, որի ժամանակ գործնական առաջարկներ են արվել մշակվելիք նախագծերի վերաբերյալ (նույն տեղում, գ. 16, թ. 23—30):

²⁴ Նույն տեղում, թ. 15—18:



Քժ. 3. Մայր տաճարի զմբեթակիր մույթերի և կամարների ամրացման նախագիծ:

քուլցիանների մշակում՝ Ժ. Բեյլերյան) և կտուրի թիթեղապատման (հեղինակ՝ Բ. Դանոյան, Յու. Դալլաքյան) նախագծերը ճարտարապետության գործերի վարչության խորհրդի նիստում 1955 թ. մայիսի 29-ին մեկ անգամ ևս քննության առնվեցին, որի ժամանակ հեղինակներին լրացուցիչ առաջարկներ արվեցին: Դրանց հիման վրա կատարված որոշ ճշտումներից հետո նախագծերը ոեցենզավորման ենթարկվեցին ինժեներներ Վ. Փինաշյանի, Զ. Հացագործյանի և Հ. Սարգսյանի կողմից ու նկատի առնելով վերջիններիս ընդհանուր առ-

մամբ դրական կարծիքները, ճարտարապետության գործերի վարչության կողմից Երևանի Գ-ի նիստում վերջնականապես հաստատվեցին²⁵։

Մայր տաճարի հարատևությունն ապահովող միջոցառումների մշակման ու դրանց քննարկման փուլերում գիտական մեծ զգուշավորություն ու բաղ-մակողմանի ուշադրություն ցուցաբերվեց։ Այդպիսի վերաբերմունքը հնարա-վոր դարձրեց որոնել և գտնել խնդրի նպատակահարմար լուծման միջոցներն ու դրանք առտահայտել հավանության արժանացած նախագծում²⁶։ Համաձայն նախագծի, մուլթերի ամրացումը պիտի կատարվեր պողպատյա ցանցկեն սյուտյանի օգնությամբ, որով գոտկվելու էին մուլթերի բոլոր հարթություննե-րը՝ վարից վեր, մինչև զլխավոր և երկրորդական կամարների տակի գոտինե-րը։ Նախապես մուլթերի ճեղքերն ու ներսի դատարկությունները պիտի հեղուկ շաղախով ներարկվեին, այդ միջոցով վերականգնելով հին շարվածքի մոնո-լիտությունը։ Դրանից հետո հատակագծում խաչաձև մուլթերի բոլոր 12 անկ-յուններում պիտի դրվեին 150×12 մմ կտրվածքով պողպատյա անկյունակ-ներ ու իրար հետ կապվեին միմյանցից $0,5$ մ հեռավորությամբ զոդված 60×8 մմ կտրվածքով շերտային պողպատներով։ Բացի նշված միջոցառում-ներից, նախատեսվում էր մուլթերի 4 ելուստների սկզբներում բացել տարան-ցիկ անցքեր ու գրանցում մտցրած ձգանների միջոցով ապահովել պատյան-ների պահանջվող կոշտությունը²⁷։ Վերը նշված միջոցներն իրականացնելույ հետո պողպատյա կախքը պատվեց համապարած մետաղական ցանցով ու տորկրետացման (ցեմենտանետման) ենթարկվեց։ Այսպիսի «հագուստով» օժտելու հետևանքով մուլթի չափերը հորիզոնական կտրվածքում բոլոր կող-մերից (բացառությամբ զմբեթատակ քառակուսու) աճեցին ընդամենը 7 սմ-ով։ Այն կապակցությամբ, որ զմբեթակի 4 կամարների տակ (դրանց նե-ցուկ ծառայելու համար) դրվեցին երկաթբետոնե կամարներ ($25-30$ սմ բարձ-րությամբ), դրանց հենարաններ ստեղծելու անհրաժեշտությունից ելնելով, կամարների տակ մուլթերի այդ խաչքներին նույն հաստությամբ կցվեցին երկաթբետոնե կանգնակներ։ Սրանք տաճարի հատակի տակ կապվեցին եր-կաթբետոնե գոտիներով։ Այսպիսով, տաճարի մուլթերի և կամարների ամ-րացման, նպատակով իրականացված երկաթբետոնե հավելվածքը, քարակերտ կրող կոնստրուկցիաներին նեցուկ ծառայելով հանդերձ, միևնույն ժամանակ, դրանց հետ միասին սկսեց ռաշխատել՝ որպես կոշտ շրջանակ՝ տարածական միասնական կոնստրուկտիվ համակարգ։

Պետք է գոհունակությամբ նշել, որ ինժեներ-կոնստրուկտոր Կ. Ալթուն-յանի և նրա օգնական Ժ. Բեյլերյանի ընդհանուր առմամբ պարզ, բայց նպա-տակահարմար մտահղացումը, իրենց իսկ ամենօրյա հսկողության ներքո, տե-ղում ամենայն բարեխղճությամբ իրականացվեց՝ շնորհիվ աշխատանքների ղեկավարների՝ ինժեներներ Ա. Մուսայելյանի և Զ. Մելիքյանի, մետաղական կոնստրուկցիաների աշխատանքների ղեկավար՝ ինժեներ Ն. Բիազուլիի ու մի մեծ խումբ բանվորների, այդ թվում Ա. Արաբյանի, Վ. Շահինյանի և Խ. Կա-րաղանյանի ջանքերի²⁸։

Կոնստրուկցիաների ամրացման միջոցառումների ավարտման վերջում բոլոր հարթությունները ծածկվեցին գաջի ծեփով, որը չորանալուն պես լրա-ցուցիչ որմնազարդման ենթարկվեց։ Այնուհետև որմնազարդերից ազատ պա-

²⁵ Նույն տեղում, թ. 9—14։

²⁶ Հանրապետական նախագծային ինստիտուտի արխիվ, ինվ. 6746, պատ. 109/54, թվա-դրված 1955 թ. ապրիլի 22-ով (մի օրինակը գտնվում է Էջմիածնի Մայր Աթոռի շինգրասենյակի արխիվում՝ Ֆ. 25)։ Ստորագրված է ինստիտուտի դիրեկտոր Մ. Գրիգորյանի, գլխ. ինժ. Մ. Սա-հակյանի և նախագծի գլխ. ինժ. Լ. Սադոյանի կողմից։ Նախագծի տակ դրված են նաև ինժ.

⁴¹ Ալթունյանի, ճարտ. Ռ. Իսրայելյանի և ինժ. Ժ. Բեյլերյանի ստորագրությունները։

²⁷ Նկատի ունենալով նշված տարանցիկ անցքերի բացման դժվարությունները, այդ կա-պերը դրվեցին դրսի կողմից՝ անկյունները շրջանցելով ուղիղ գծով։

²⁸ Գ. Տեր-Հովհաննիսյան, նշվ. աշխ., էջ 27։

տի հարթությունները (որմնադարձված մասերից ներքև գտնվող գոտուց մինչև հատակը) ծածկվեցին համապատասխան ֆուլինի յուղաներկով՝ գունային ներդաշնակություն ստեղծելով տաճարի ներսում²⁹։ Զուգահեռաբար նորոգվեցին զանգաշտարակի ներսի և հին վեհարանի «ծաղկյա» դահլիճի որմնադար-դերը։

Տաճարի ներսում կատարվեցին նաև շինարարական մի շարք այլ աշխատանքներ։ Նախքան որմնադարձումը, ամրացման մասնակի միջոցառումներ կիրառվեցին նաև տաճարի առաստաղում՝ հարավ-արևելյան և հյուսիս-արևմուտյան, նախկինում նորոգված, աղյուսաշեն (փայտե ներդիրներով) խաչաձև թաղերում։ Այդ կատարվեց առանց առաջինում կառուցվածքի փոփոխության, իսկ երկրորդը ներքևից պատվեց երկաթյա ցանցով ու ծեփվեց՝ պահպանելով թաղի նախկին ձևը³⁰։ Հետագոտական բնույթի պեղումներ կատարելուց հետո, տաճարի ամբողջ հատակը սալարկվեց տուֆաքարով, իսկ չորս մույթերի միջև ընկած տարածությունը (շուրջ 100 քմ մակերեսով)՝ հայկական փարգադույն մարմարով։ Այդ աշխատանքները մեծ խնամքով կատարեց վարպետ Ա. Արաբյանը։ Հիմնովին վերակառուցվեց նաև տաճարի էլեկտրական լուսավորման համակարգը (հեղինակներ՝ ինժեներներ Ա. Մնացականյան և է. Մարտիրոսյան)։ Գմբեթի թմբուկի ներքին պատշգամբում դրվեցին լուսավորման 60 կետ, տաճարի ներսում և թանգարանում կախվեցին 12 ջահ, մույթերի անկյուններում տեղադրվեցին Ռ. Իսրայելյանի էսքիզներով պատրաստված 48 կերոն և այլն³¹։

Զուգահեռաբար ընթացան կտուրի վերանորոգման աշխատանքները։ Թիթեղապատման սկզբունքը ընդունելու և համապատասխան նախագիծը հաստատելու ժամանակ հարց առաջացավ՝ պահպանել՝ արդյոք, նախկին սալածածկը, թե կտուրի քաշը թեթևացնելու նպատակով այն վերացնել։ Սրբա-նազետների կատարած հաշվարկների միջոցով պարզվեց, որ տաճարի հիմնական կողմը կոնստրուկցիաների՝ մույթերի և կամարների, ամրացումից հետո կտուրի սալածածկի քաշը վտանգ չի կարող սպառնալ, որոշվեց նախորդ վերանորոգման ենթարկել սալածածկը, ապա թիթեղապատել ողջ կտուրը (բացի գմբեթների մեծ թեքություններ ունեցող վեղարները)։ Սալածածկի վերանորոգումը կատարվեց տեղ-տեղ քայքայված շարքերի վերաշարման, իսկ մնացած մասերում՝ կարանները մաքրելու և դրանք ցեմենտի հեղուկով նե-րարկելու միջոցով³²։ Դրանից հետո բոլոր լանջերը փայտյա շինանյութով հա-մատարած կավարման ենթարկվեցին ու ծածկվեցին ցինկապատ թիթեղով (նույն ձևով թիթեղապատման ենթարկվեց նաև հին վեհարանի կտուրը՝ նախապես հեռացնելով նրա հին ծածկը կազմող հաստ հողաշերտը)³³։

Միևնույն ժամանակ ավարտվեցին տաճարի շրջապատի մայթերի սալածածկի նորոգումը, մայրավանքի տարածքն ամփոփող հյուսիսային (180 մ երկարությամբ ու 5 մ բարձրությամբ) և արևելյան (130 մ երկարությամբ և 3 մ բարձրությամբ) պարսպապատների և դրանցում դարպասների շինարարու-թյունը։ Հիմնովին վերանորոգվեց նաև հին վեհարանը։ Բացի կտուրից, նորոգվեցին կաթողիկոսի աշխատասենյակը, «ծաղկյա» դահլիճը, ընդունարանը, նախասենյակները և կից սենյակները։

29 Դուլինի ընտրությունը կատարեց Մ. Սարյանի զխավորած հանձնաժողովը (էջմիածնի Մայր Աթոռի շինգրասենյակի արխիվ, գ. 16, թ. 5)։

30 Ա. Լ. Սահյանյան, Նոր նյութեր էջմիածնի Մայր տաճարի կառուցվածքի վերաբերյալ («էջմիածին», 1956, օգոստոս-սեպտեմբեր, էջ 61)։

31 Հ. Առաքելյան, Սուրբ էջմիածնի Մայր տաճարի վերանորոգումը ավարտված է (նույն տեղում, 1955, սեպտեմբեր, էջ 32)։

32 էջմիածնի Մայր տաճարի շինգրասենյակի արխիվ, գ. 16, թ. 18։

33 Հետագայում, Վազգեն Ա կաթողիկոսի գահակալության առաջին տարիներին, Մայր տա-ճարի ցինկապատ կտուրը փոխարինվեց սալաքարերին փոխած զոդման միջոցով իրար կցված արճճ թերթերով, որպիսիք և պահպանվում են ցայսօր։

Այդ բոլորի համար (որ կատարվեց մոտ մեկ տարում՝ 1954 թ. նոյեմբերից մինչև 1955 թ. հոկտեմբերը) Սովետական Հայաստանի կառավարությունը ներդրեց շուրջ 4 մլն ռ. (հին արժեչափով) միջոցներ, որից 1,7 մլն ռ. որմնադրողների մաքրման, ամրացման և լրացման համար³⁴։

Վերը նկարագրածով Մայր տաճարի հիմնական վերանորոգման զուտ շինարարական-կոնստրուկտիվ մասի աշխատանքներն ավարտվեցին։ Սակայն դրանով անելիքները չսպառվեցին։ Հետագայում, օգտագործելով Գալուստ Կյուլպենկյան հաստատության տրամադրած միջոցները, Վազգեն Ա. կաթողիկոսի անմիջական նախաձեռնությամբ ու ջանքերով իրականացվեցին լրացուցիչ շինարարական աշխատանքներ, կատարվեցին տաճարի ներսի պեղումները, հիմնական բարեղարդումը և շրջապատի բարեկարգումը³⁵։

ОСНОВНАЯ РЕСТАВРАЦИЯ СОБОРНОГО ХРАМА ЭЧМИАДЗИНА (1954—1955)

ВАРАЗДАТ АРУТЮНЯН

Резюме

В течение 1954—1955 гг. по инициативе и на средства правительства Армянской ССР были произведены фундаментальные реставрационные работы в Эчмиадзинском соборе. Проведенные зондажи на пилонах и арках выявили трещины аварийного характера, что требовало незамедлительных мероприятий по их укреплению. Последнее было осуществлено по проекту инженеров-конструкторов К. Алтуняна и Ж. Бейлеряна. Росписи храма (на стенах, потолках, арках и пилонах), принадлежащие кисти армянских художников рода Овнатанян и выполненные в конце XVIII и начале XIX вв., были сильно повреждены и местами вовсе выпали (по причине проникновения влаги). Работы по обновлению, восстановлению и дополнению росписей (общей площадью около 1500 м²) проводились большой группой молодых художников Армении под руководством видного исследователя древнеармянского изобразительного искусства Л. А. Дурново. Так как ранее проведенные ремонты каменной (из туфовых плит) кровли крыши не смогли обеспечить ее полную водонепроницаемость, было решено по проекту инженера Б. Данояна временно прибегнуть к покрытию кровельной жестию на деревянной обрешетке, а спустя несколько лет она была заменена покрытием свинцовыми листами по каменному настилу. Параллельно велись работы по ограждению и благоустройству монастырской территории. По проекту группы архитекторов, возглавляемой проф. С. Сафаряном, была построена северная ограждающая стена.

³⁴ Հ. Առաքելյան, Եղվ. աշխ., էջ 28—35։

³⁵ Կոնստանդին Հովհաննիսյանը («Ճարտարապետական հուշարձանների վերականգնումը Սովետական Հայաստանում», Երևան, 1978, էջ 94—101) համառոտակի ընդթափարկ է Մայր տաճարում կատարված աշխատանքները։